



Broj: 01-1161-6/2021
Sarajevo, 12.10.2021. godine

Na osnovu člana 53. Poslovnika o radu Upravnog odbora Kantonalnog stambenog fonda Sarajevo, broj: 01-681-3/20 od 17.06.2020. godine, člana 12. u vezi sa članom 13. Statuta Kantonalnog stambenog Fonda Sarajevo, broj: 02-169-2/2006 od 16.02.2006. godine i broj: 01-1344-5/2012 od 27.07.2012. godine (u daljnjem tekstu: Fond), Upravni odbor Kantonalnog stambenog Fonda Sarajevo, na 22. redovnoj sjednici održanoj dana 12.10.2021. godine, **d o n i o j e**

O D L U K U
o izmjenama Poslovnika o radu Upravnog odbora
Kantonalnog stambenog Fonda Sarajevo

Član 1.
(Izmjena u članu 6.)


U Poslovniku o radu Upravnog odbora Kantonalnog stambenog fonda Sarajevo, broj: 01-681-3/20 od 17.06.2020. godine, član 6. stav (1), tačka b) i stav (2) mijenja se i glasi:

„b) Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljnjem tekstu: resorno Ministarstvo)“.

„(2) Predsjednika i članove Upravnog odbora imenuje i razrješava Vlada Kantona Sarajevo (u daljnjem tekstu: Vlada), na prijedlog resornog Ministarstva“.

Član 2.
(Stupanje na snagu)

Ova odluka stupa na snagu danom donošenja, a objavit će se na Web stranici Fonda.



PREDSJEDNIK UPRAVNOG FONDA

Mr.sc. Demil Fejzić, dipl.ing.građ.

OBRAZLOŽENJE

Pravni osnov

Pravni osnov za donošenje ove odluke sadržan je u odredbama čl. 12. i 13. Statuta Kantonalnog stambenog fonda, kojima je između ostalog propisano da Upravni odbor Kantonalnog stambenog fonda Sarajevo, kao organ upravljanja ovim pravnim licem, donosi Poslovnik o svome radu kojim se preciznije definiše njihov rad u odlučivanje.

Pravni osnov je sadržan i u odredbama člana 53. postojećeg Poslovnika o radu Upravnog odbora Kantonalnog stambenog fonda Sarajevo kojima je propisana procedura za izmjene i dopune ovog propisa/općeg akta.

Razlozi donošenja

Razlozi donošenja ove odluke proizilaze iz potrebe da se, izvrši usklađivanje sadržaja postojećeg/važećeg Poslovnika o radu ovog organa Kantonalnog stambenog fonda Sarajevo u dijelu koji se odnosi na aktuelni naziv resornog Ministarstva obzirom na činjenicu da je Skupština Kantona Sarajevo izvršila izmjene i dopune kantonalnog Zakona o organizaciji i djelokrugu organa uprave u upravnih organizacija Kantona Sarajevo kojima je izvršena promjena naziva resornog Ministarstva i trenutno glasi: "Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo" (član 6. Poslovnika o radu).

Pravna rješenja

Član 1. - Ovim članom se vrši preciziranje sadržaja postojećeg člana Poslovnika o radu Upravnog odbora kantonalnog stambenog fonda Sarajevo koji se ovom odlukom mijenja.

Član 2. - Ovim članom je definisan način stupanja na pravnu snagu i objavljivanja Odluke

Finansijska sredstva

Za realizaciju ove Odluke nije potrebno obezbijediti dodatna finansijska sredstva u Finansijskom planu Fonda.